



JNUNPAZT-L

JURNAL UNPAZ TIMOR-LESTE UNPAZ

Vol. 02, Issue, 12, pp.01-05, Oktobers, 2023



ORIGINAL ARTIKLU PESKIZA

HODI ASSESU

RESPONSABILIDADE HUSI SIDADAUN BA PAIS NO KONTRIBUI FO DEFESA BASOBERANIA RDTL

Jovanio dos Reis Neto,¹Julio Manuel,²Afonso Soares

¹Lisensiadu Direitu, Universidade da Paz, Timor Leste

²Dosente Fakultade Direitu, Universidade da Paz, Timor Leste

³Dosente Fakultade Direitu, Universidade da Paz, Timor Leste

INFORMASAUN ARTIKLU	ABSTRATU
<p>istória Artiklu: Data Submisaun 19 de Agustus de, 2023 Aseitasaun 2de Oktober de, 2023</p>	<p>Sidadaun ida tenke iha Responsabilidde ba nia Nasaun no garantía fo defesa ba soberanía Repúblika Demokrátika de Timor-Leste,atu nune'e bele kria estabilidade no páz ih teritóriu Timor-Leste,no mós servisu ho instituisaun F-FDTL no PNTL hodi asegura amesa husi interna no externa . Sidadaun hanesan individu ida ne'ebe hakbi'it an iha estadu nia okos,no bazeia ba Konstituisaun Republika Demokratika de Timor-Leste artigu 3 koalia kona-ba Sidadaun,no dekretu Lei No.9/2002 ne'ebe maka koalia kona-ba Lei Nasionalidade sidadaun nian. sidadaun Feto no Mane ne'ebe maka hela iha teritoriu Timor Laran tomak iha Direitu no Dever hanesan ne'ebe maka mensiona iha Konstituisaun Republika Demokratika de Timor-leste. Hanesan sidadun ida tenke iha Responsabilidade no fo Defesa ba Soberania RDTL sem reserva atu nune'e bele fo garantía ba soberanía estadu nian.</p> <p>Tamba sidadaun maka tenke iha responsabilidade ba nian Nasaun no tenkiser servisu ho instituisaun F-FDTL no PNTL hodi bele atua sidadaun sira ne'ebe maka kria instabilidade iha teritoriu Timor-Leste. Tamba instituisaun rua ne'e estadu nian no halao knar servisu tuir lei haruka ho nune'e bele garante dame husi sidadau hotu-hotu tanto feto no mane ne'ebe maka hela iha teritoriu Timor-Leste.</p> <p>Nu'udar sidadaun ida iha estado demokratiku nia okos hodi fo kontribuisaun ba soberanía estado nian ne'ebé mak hatur metin ona iha Konstituisaun RDTL, tanto iha rekursu naturais sira zona ekonomiku eh zona eksklusivu sira, no riku soin sira iha tasi okos inklui mos iha rai leten.</p> <p>Liafuan xave: “ <i>sidadaun iha Responsabilidade ba nia Nasaun sem reserva no fo Defesa ba Soberania RDTL</i> ”</p>
<p>Korespondenti Autor: Jovanio dos Reis Neto</p>	
<p>Copyright © 2023, Jovanio dos Reis Neto s et al. This is an open access article distributed under the Creative Commons Attribution License, which permits unrestricted use, distribution, and reproduction in any medium, provided the original work is properly cited.</p>	

Introdusaun

Sidadaun katak ema feto ho mane ne'ebe maka hela iha teritoriu nasional ne'ebe maka regula ho lei no iha direitu no dever hanesan mensiona iha Konstitusiun RDTL artigu 16 katak sidadaun hotu-hotu iha direitu no dever nebe mak hanesan iha lei nia oin, no mós iha direitu no obrigasaun hanesan, labele halo diskriminasaun ba ema ida tamba nia kulit, nia rasa, nia estadu sivil, nia seksu, orijen ètniku, nia lian, pozisaun sosiàl eh ekonòmiku, hanoin politiku ka ideolojia, relijiaun, instrusaun eh nia kondisaun fizika eh mentàl.

Hanesan sidadaun ida tenki iha responsabilidade no fo kontribuisaun ba nasaun RDTL sem reserva atu nune'e bele fo garantía ba iha soberanía estado ida ne'e nian, nudar sidadaun nasaun de RDTL, pruntu fo kontribuisaun ba iha área partisipasaun ativu iha desenvolvimentu komunitaria no kontribuisaun ekonomika iha estado ida ne'e, garantía seguransa tuir Lei Kostituisaun RDTL nian ne'ebé mak mensiona iha artigo (2), Konstituisaun Repúblika Demokratika Timor-Leste (KRDTL), soberanía haktuur metin iha povo, ne'ebé hala'o soberanía ne'e tuir Lei haruka.

Soberania hanesan poder ne'ebe aas iha estadu ida nia laran, nia karakter mesak ida deit, original no labele atu fahe. Soberania hanesan atributo legal husi nasaun ida.

Iha relasaun ne'e ita bele hatene ona katak objetivu estadu nia signifika katak hanesan vizaun estadu nian. Ne'ebe em geralmente atu atinji no define ona iha Kontituisaun artigo 6 Objetivu Estadu:

- a. Defende no garante nasaun nia soberania
- b. Garante no promove sidadaun sira-nia direitu no liberdade fundamental, no respeitu ba estadu nia prinsipiu kona-ba direitu demokratiku
- c. Defende no garante demokrasia politika no partisipasaun populusaun nian kona-ba problema nasional sira.

Metodologia Peskiza

Peskiza nia hanesan esforsu ida atu buka fali no la'os deit hare no observa de'it no halo peskiza ba deit objeitu ida ne'ebe ke fasil ita bele kaer iha ita nia liman. Liafuan peskiza hanesan tradusaun husi lingua ingles mak hanesan research, ne'ebe nia signifika mai husi liafuan *re* (katak fila) no *to search* katak (buka) ho ida ne'e tuir logawiyah nia signifika katak "buka fali".

Rezultadu Peskiza

Responsabilidade husi sidadaun ba país no kontribui fo Defesa ba Soberania RDTL.

Papel Sidadaun

Sidadaun nia responsabilidade ba nia Nasaun no fo kontribuisaun importante ba desenvolvimentu no progresu Nasaun Timor-leste. sidadaun sira iha papel atu promove no reforsa soberania Nasaun nian, nune'e mos kontribui ba kresimentu no moris di'ak.

sidadaun sira iha papèl atu promove no reforsa sira nia soberania nasaun nian, nune'e mos kontribui ba sira-nia kresimentu no moris di'ak no sidadaun hotu-hotu nia responsabilidade ida ne'e aseguira orden sosiál, estabilidade no funsionamentu global nasaun nian.

Partisipasaun Sivika Sidadaun sira bele partisipa ativamente iha progrèsu Demokrátiku liu husi hala'eleisaun ,fo hatene sira nia opiniaun, no fo responsabilidade ba Governu. liu husi informasaun, votasaun, no hato'o sira nia preokupasaun, sidadaun kontribui ba elaborasaun política no desizaun nasaun nian.

Lei no Regulamentus sira Respeitu no abtensaun husi lei no regulamentus sira iha nasaun ne'e sidaadaun hotu-hotu nia responsabilidade. Ida ne'e aseguira orden sosiál, estabilidade, no funsionamentu global nasaun nian. tanba halo tuir lei, sidadaun sira kontribui ba prezervasaun soberania nasaun nian.

sPartisipasaun ativu iha desenvolvimentu komunitaria Sidadaun sira bele kontribui ba di'ak liután sira-nia Nasaun liu husi partisipasaun ativu iha iniciativa desenvolvimentu komuniatária. ida ne'e bele inklui, suporta negòsius lokál sira, envolve iha esforsu konservasaun ambiental, no promove koezaun sosiál.

Relasaun Sivil ho Militar fo Defesa ba Pais Timor-Leste Bazeia ba Lei No.3/2010.

Hanesan ita hotu hatene institusaun ida (penegak hukum) aplika lei, hala'o nia knaar atu garantia seguransa iha komunidadé nia laran, maka atu hanorin no atu harii relasaun no servisu hamutuk entre institusaun rua ne'e sidadaun sivil, hanesan iha artigu 146 alinea 1 Konstitusaun Republika Demokratika Timor-Leste, ne'ebe mak hateten forsa armadas Timor-Leste nian, FALINTIL-FDTL, ne'ebé sidadaun nasional de'it maka halo parte, ne'e mak responsavel ba defeza militar Repúblika Demokrátika Timór-Leste nian no nia organizasaun nu'udar ida mesak ba territóriu nasional tomak. Hanesan ho esplikaun iha artigu 146 alinea 1, Konstitusi RDTL, hateten forsa defeza Timor-Leste so deit mak sidadaun nasional, klaru liu tan mak sidadaun nasional signifika sidadaun sivil sira ne'ebe mak fo oportunidade atu sai hanesan forsa defeza nasional nian liu husi institusaun militar iha Timor-Leste. Iha artigu 5 alinea 1 lei nomor 3/2010 hateten katak F-FDTL dezenvolve tan esperensia ou abilidadé servisu hamutuk entre sivil ho militar atu responde tuir risku no ameasa ba iha seguransa nasional. Militar Timor-Leste sei garantia independensia nasional no defende integridade area territorial no fo liberdade no seguransa ba povu husi ameasa ne'ebe mak mosu husi liur,

ne'ebe define no hatur ona iha artigu 2 lei no. 2/2010, ne'ebe mak hateten katak estadu sei defende no garantia independensia no soberania kompetensia politika, unidade no integridade territoriu nasional, liberdade no seguransa sidadaun nian ne'ebe hanesan ho Konstitusaun, lei ne'e no regulamentu sira seluk ne'ebe legal ou iha, liu husi integrasaun no kordenasaun, estadu sei lidera aktividade ne'ebe mak nia forma ou modelu defesa nasional no seguransa interna atu defende no protégé sidadaun sivil. Maibe ita presiza hatene Timor-Leste hanesan nasaun ou estadu ida ne'ebe foun ne'ebe mak iha luan territoriu ne'ebe kiik tebes kompara ho nasaun-nasaun vizinhu hanesan Indonesia no Australia wainhira atu ses husi konfliktu ne'ebe mak mosu husi liur ita tenki aumenta tan servisu ne'ebe mak diak ho nasaun-nasaun vizinhu sira. Militar Timor-Leste tenki hakruk no respeito ba orgaun-orgaun soberania bazea ba regulamentu lei ne'ebe mak iha no labele mete iha politika, signifika relasaun ,militar ho sivil iha Timor-Leste fo prioridade ba sivil atu rai sistema kontrola sivil iha militar. Presija hatene katak sistema ne'e perigozu tebes tamba Timor-Leste iha orgaun soberanu 4 mak hanesan : presidente Repuúblika, parlamnetu Nasional, Governu no Tribunâl. Iha separasaun dos poderes ou fahe kompetensia orgaun-orgaun soberanu iha leten poder entre presidente hanesan jendral ne'ebe mak a'as liu iha militar no iha forma gabeti primeiru ministru mos iha ministeriu defeza no seguransa entaun klaru ona iha orgaun soberanu sivil nian rua mak iha kompetensia atu kontrola militar iha Timor-Leste. Ho iha sistema rua Òrgaun soberanu sivil ne'ebe mak kontrola militar iha TimorLeste signifika hamoris ona sistema demokrasia iha nasaun ne'e nia laran.

Partisipasaun husi Sidadaun ba Pais no Kontribuisaun ba Soberania RDTL

1. Hanesan ita hotu hatene ona katak soberania hanesan poder ne'ebe aas liu ba sidadaun no povu sem iha tentasaun husi konstitusaun. No soberania hanesan poder ne'ebe às atu decide lei iha nasaun ne'e, no atu garantia no fo defesa ba soberania nasaun Republika Demokratika Timor-Leste laos deit husi orgaun soberania 4 ne'e mak hanesan : presidente, parlamentu nasional, governu no tribunal, nomos laos deit husi instituisaun sira sira seluk mak hanesan F-FDTL deit mak iha responsabilidade atu fo defeza ba soberania nasaun Republika Demokratika Timor-Leste nian. Maibe sidadaun hotu-hotu mos iha responsabilidade atu kontribui ba defeza e seguransa soberania nasaun RDTL nian, ne'ebe mak define ona iha artigu 49 alinea (1) hateten katak :

- a) Sidadaun hotu-hotu iha direitu no dever atu kontribui ba defeza independensia, soberania no integridade territoriu nasaun nian.
- b). No iha prosesu atu kontribui fo defesa ba soberanía RDTL nian mos presiza envolvimentu mos husi entidade sira hotu mak hanesan : sociedade sivil, seguransa sivil, reliziaun ka igreja, nomos arte marsiais sira hotu atu nune bele mos fo hanoin ne'ebe mak kontrutivu ho desenvolve no garantia seguransa nasaun RDTL ninian.

Partisipasaun Sidadaun Sivil atu protèzè Soberania Nasaun liu husi ameasa Internal no Eksternal.

Partisipasaun Kada sidadaun iha parte atu defende Nasaun la'os deit hanesan direitu maibe mos hanesan dever ida ne'ebe mak tenki kumpri. Nivel devèr ne'e rasik mos iha variasaun hanesan ho nia kna'ar idak-idak nian. Aktu atu defende nasaun husi idak-idak nia komponente Hare husi aspetu història luta husi povu maubere, hetan no iha ezemplu balun kona-ba asaun hodi esforsu atu defende Nasaun ne'ebe mak halo husi komponente inklui sosiedade : ajuda atu hetan ukun rasik an ou independensia Timor-Leste ho modelu oin-oin mak hanesan : liu husi Klandestina , esforsu Diplomasia, Demonstrasaun 1991, no sei barak tan luta sira seluk tan. nune mos iha asaun esforsu ne'ebe mak iha atu defende nasaun liu husi planu liu husi organizasaun profesaun, ne'ebe mak hanesan equipa SAR ne'ebe mak buka no ajuda vitima dezastre naturais , PMI ,no mediku sira.

Konstitusaun RDTL artigu 49 alinea 1 hateten katak : sidadaun sira hotu iha direitu no dever atu fo kontribuisaun atu defende independensia, soberania no integridade territorial nasaun nian. Enkuantu nia signifikadu hanesan unidade territorial nasional unidade Repùblika hanesan unidade defesa ida, katak ameasa kona-ba sorin husi territoriu hanesan ameasa kona-ba regiaun ka area interino sai hanesan responsabilidade nasaun nia hotu. Refere ba rekerimentu ne'e rasik, maka partisipa husi sidadaun sira hotu iha esforsu atu defende nasaun la'os deit iha eskopu ou ambiente nasional nian deit, maibe mos iha ambiente ne'ebe besik ne'ebe ita domisiliadu.

FINALIDADE KONKLUZAUN NO REKOMENDASAUN

1. Konkluzaan

Tuir poverbiu iha leten hakerek nain konklui katak atu fo seguransa no defezaba sobrania Nasaun RDTL nian la'os deit mak mai husi instituisaun rua mak hanesan PNTL no F-FDTL maibe mos sidadaun hotu-hotu mos tenki kontribui mos ba defesa no Seguransa soberani Nasaun nian.

Funsaun sivil no militar atu defende defeza no seguransa nasional em geral define no hatur ona iha artigu 40 lei no 3/2010 enkuantu funsaun F-FDTL no PNTL hakruk ba regra interna idak-idak nia iha nia institusaun ne'ebe mak iha responsabilidade hanesan define ona iha artigu 8 no 9 lei no. 3/2010. Maibe iha nia implementasaun sei mosu hela norma kabur iha terinu tamba sei menus ema no sasan.

2. Rekomendasaun

Iha pagina ida ne hakerek nain rekomenda ba governu no institusaun F-FDTL no PNTL nafatin aseguara seguransa iha teritorio timor laran tomak hamutuk ho sidadaun, hodi sidadaun sira nafatin kria estabilidade no páz iha rai doben Timor-Leste. No sidadaun sira mós nafatim servisu ho Forsa Defesa no PNTL hodi bele garante ameasa husi interna no externa.

No ba institusaun sivil no militar no polisia atu halao nia knaar tenki bazea ba lei no regulamentu ne'ebe mak iha, atu nune bele atinji objetivu estadu nian ne'ebe mak define iha artigu 6 alinea 1. no estadu demokratiku ho prinsipiu lei ne'ebe mak hatur ona iha Kontitusaun Republika Demokratika Timor-Leste. 2002.

BIBLIOGRAFIA

Referénsia ne'ebé uza

Sri narwanti, Pendidikan Karakter, (Jogjakarta, Familia Pustaka Kaluarga 2014),

Fatchul Mu'in, Pendidikan Karakter konstruksi teoritik dan Paraktik,(Jogjakarta, Ar-Ruzz Media 2014).

Tim Sanggar Grasindo, Membiasakan Perilaku Sikap yang Terpuji, (PT Gramdia Widiararana Indonesia,Jakarta,2010)

Fatchul Mu'in, Pendidikan Karakter konstruksi teoritik dan Paraktik,(Ar-Ruzz Media, Jogjakarta,2014).

Prof.Dr. Jimly asshiddiqie, S.H. POKOK-POKOK HUKUM TATA NEGARA INDONESIA.

Prof. H. Abu Daud Busroh, S.H. ILMU NEGARA

Hans kelsen teoria umum tentang HUKUM DAN NEGARA

Kusnanto Anggoro, Reformasi Sektor Keamanan, Kewenangan Negara, dan Partisipasi Publik. Jakarta:Propatria Institute,2005 Lihat juga, Sidratahta Mukhtar, Manajemen Keamanan Negara I dan II: Perspektif Kamdagri/Kepolisian. (Makalah FGD Propatria Institute: Jakarta, 11 September 2005)

Prof. Dr. Burhan D. Magenda, Penyiapan Pertahanan Negara Ditinjau Dari Strategi Ketahanan Nasional, (Jakarta: FISIP UI, 23 April 2008).

Mardikanto, T dan Soebiato, P. (2012). Pemberdayaan Masyarakat dalam Perspektif Kebijakan Publik. Bandung:Alfabeta.Soetrisno, Loekman, 1995. Menuju Masyarakat Partisipatif. Yogyakarta: Penerbit Kanisius

Mochtar Kusumaatmadja dan Etty R. Agoes. 2002. Pengantar Hukum Internasional. Bandung. Alumni

C. F. Strong. 2011. Konstitusi-konstitusi Politik Modern. Bandung. Nusa Media.

Kamus Besar Bahasa Indonesia. <https://kbbi.kemdikbud.go.id/entri/kedaulatan>. diakses tanggal 27 Januari 2018.

Simon Blackburn. 2013. Kamus Filsafat. Yogyakarta. Pustaka Pelajar.

Hotma P. Sibuea. 2014. Ilmu Negara. Erlangga. Jakarta.

Dengan syarat-syarat tertentu, misalnya usia. Budiono Kusumohamidjojo. Filsafat Politik. 2015. Jelasutra. Yogyakarta.Hotma P. Sibuea.

Seperti di Jepang yang menganggap bahwa Kaisar merupakan keturunan dari Dewi Ameterasu (Dewi Matahari)

Abu Daud Busroh. 2011. Ilmu Negara. Bumi Aksara. Jakarta.

I. Regulamentus

1. Konstitusi RDTL
2. Lei No.9/2002 Nasionalidade
3. Decretu Lei No.9/2003

II. Internet

1. <http://respository.unim.ac.id>>...

2. <https://eprints.umm.ac.id>>...
3. <http://eprints.umm.ac.id>>...